



## Publicaziuns dalla vischnaunca, jamna 27

### Damonda da baghegiar

**Nr. 2011-1047**

**Datum da publicaziun:** ils 8 da fenadur 2011

**Il patrun:** Pendicularas Mustér SA, Via Acletta 2, 7180 Disentis/Mustér

**Il representant:** Gujan + Pally, architecta fh/tecnicar hf, Sutvitg 22d, 7184 Curaglia

**Object:** Engrondaziun dall'ustria ed installaziun da tualettas novas, parcella 2540, Lai Alv, 7180 Disentis/Mustér

Ils plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun.

Eventualas protestas encunter sura damonda da baghegiar ein d'inoltrar a scret enteifer 20 dis alla istanza da baghegiar, caum postal 57, 7180 Disentis/Mustér. La protesta sto esser motivada e sutta scretta dil recurrent ni da siu representant.

Disentis/Mustér, ils 4-7-2011

*Uffeci da baghegiar Disentis/Mustér*

---

### Lubientscha da baghegiar

L'istanza da baghegiar ha concediu suandontas lubientschas da baghegiar:

**Nr. 2011 – 1026**

Cantun Grischun, polizia cantunala, Ringstrasse 2, 7000 Cuera; Cumpletaziun d'in stabiliment da telecomunicaziun existent cun ina nova antenna directiva e niev conduct, parcellas 2341 e 2412, Prau Sura, 7183 Mumpé Medel.

**Nr. 2011 – 1031/02**

Cuminonza da condomini Dulezi, parcella 646, Via Dulezi 15, 7180 Disentis/Mustér; Sanaziun exteriura dalla casa, construcziun d'ina veranda/terrasa (midada dil project), parcella 646, Via Dulezi 15, 7180 Disentis/Mustér.

**Nr. 2011 – 1036**

Assunta Albin-Flepp, Via Veglia 11, 7180 Disentis/Mustér; Construcziun d'ina parcadi niev, parcella 799, Via Raveras, 7180 Disentis/Mustér.

**Nr. 2011 – 1037**

Edgar Durschei-Keller, Via Ansauna 2, 7186 Segnas; Provediment d'aua pils mises dil Bostg, parcella 2308, Mises dil Bostg, 7180 Disentis/Mustér.

Quellas lubientschas san vegnir contestadas enteifer 30 dis dapi la publicaziun el Fegl uffical dalla Surselva tier la Dertgira administrativa dil cantun Grischun.

Disentis/Mustér, ils 5-7-2011

*Uffeci da baghegiar Disentis/Mustér*

---



### **Annunzias da baghegiar**

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau suandonts projects:

#### **Nr. 2011 – 2050**

Pleiv Sogn Gions, Via Sogn Gions 8, 7180 Disentis/Mustér; Sanaziun dil tetg dalla casa per-venda, parcella 28, Via Foppas 21, 7186 Segnas.

Encunter quella decisiun san ins protestar a scret enteifer 20 dis dapi la publicaziun alla suprastonza communal.

Disentis/Mustér, ils 4-7-2011  
*Uffeci da baghegiar Disentis/Mustér*

---

### **Prescripziuns pertuccont igl encurir bulius**

Igl encurir bulius ei reglaus el cantun Grisch ella lescha e l'ordinaziun davart la protecziun dils bulius. En special valan suandonts prescripziuns:

- Egl interval digl 1. entochen e cun il 10. di da mintga meis eis ei scumandau d'encurir bulius.
- Il quantum maximal ch'ins astga rimnar per persona e per di da tuttas specias da bulius munta a 2 kg.
- Vandalissem da bulius ei scumandaus.
- Il diever d'utensils da tuttas specials per rimnar bulius ei scumandaus.
- Rimnar bulius en gruppas da pli che treis personas, cun excepziun da famiglias, ei buca lubiu.

Nus supplichein la populaziun da respectar quellas disposiziuns ed engraziein per la capientscha.

*Suprastonza communal*

---

### **Clauder pastira**

L'administraziun communal sto adina puspei prender encunter reclamaziuns da hosps ed indigens en connex cun transitar pastiras sin sendas officialas da spassegiar e viandar. Gest tier la pasculaziun da vaccas-mumma ein differentamein sedai malemperneivels ni schizun prigulus inscuters. Nus supplichein ils possessurs d'animals da clauder lur terren e las pastiras aschia, ch'ils viandonts san passar sin las sendas senza impediments e senza disturbar ils animals che pasculeschan.

Cheutras duei vegnir impedi ch'ils animals attaccan personas, quei che sa haver malemperneivlas consequenzas cun pretensiuns da responsabladad.

Bien engraziament per il risguard.

*Suprastonza communal*

---

### **Fiera medelina**

Siehe/mira sut Medel.

---



## Uniun da Kneipp – Il mund dil glin

Siehe/mira sut Surselva.

---

### Ludoteca Mustér

Liug/Ort: Halla Cons, tel. 076 494 39 92  
e-mail: ludoteca@disentis.ch

*Uras d'avertura / Öffnungszeiten:*

Gliendisdis/Montag: 18.30–20.00  
Venderdis/Freitag: 18.30–20.00

---

### Biblioteca populara Mustér

**Liug:** Casa da scola, tel. 081 947 52 90, biblioteca@disentis.ch

Sut [www.disentis.ch](http://www.disentis.ch) ni [www.bibliotecas-surselva.ch](http://www.bibliotecas-surselva.ch) anfleis Vus nies entir catalog bibliotecar. Per e-mail saveis Vus reservar ina ni pliras medias ed enteifer 5 dis retrer ad emprest ellas en biblioteca populara.

Temps d'emprest duront la stad: Fenadur ed uost

*Gliendisdis 18.30–20.00*  
*Venderdis 18.30–20.00*

Nies motto: Leger . . . tedlar . . . mirar . . . !

Nus selegrein da mintga viseta.  
*Biblioteca populara Mustér*

---